


კავკასიის ეკონომიკის ყოველთვიური  
მიმოხილვა  
მაისი 2025





## ეკონომიკური ზრდა




**2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-მარტში კავკასიის ეკონომიკა 4%-ით გაიზარდა.**

✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-მარტში ეკონომიკა 9.3%-ით გაფართოვდა. ზრდაში მნიშვნელოვანი წვლილი პროფესიული და ტექნიკური საქმიანობების, ტრანსპორტის, საფინანსო საქმიანობების, მშენებლობის და ტელეკომუნიკაციების სექტორებმა შეიტანა. კლება დაფიქსირდა დამამუშავებელ მრეწველობის დარგებში.

🇦🇲 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-მარტში ეკონომიკა 4.1%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 6%-ით მოიმატა, სამშენებლო დარგმა კი - 13.6% -ით. მომსახურებაში გამოშვება კი 11.5%-ით გაფართოვდა.

🇦🇷 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის მარტში ეკონომიკა 0.3%-ით გაიზარდა. აზერბაიჯანის ეკონომიკის 32.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 2.5% შეადგინა. სოფლის მეურნეობა კი 1.1%-ით გაფართოვდა.

## ინფლაცია და მონეტარული პოლიტიკა



**ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.**

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის აპრილში სამომხმარებლო ფასების წლიურმა ზრდამ 3.4% შეადგინა. აპრილის ინფლაციაში მაღალი წვლილი ჯანმრთელობის დაცვის სექტორის ფასებმა შეიტანა, რომელიც 9.2% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.4%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇲 წარსულში, რეგიონში ფასების დინამიკით სომხეთი გამოირჩეოდა. 2025 წლის აპრილში სამომხმარებლო ფასების წლიური ზრდა 3.2% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 2.4%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇿 აზერბაიჯანში ინფლაცია შენეულა. 2025 წლის აპრილში სამომხმარებლო ფასების წლიურმა ზრდამ 6.3% შეადგინა. მარტში ეს ნიშნული 5.9% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. აპრილში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.